

据明·弘治刻本影印

群书集事渊海
上

岳麓书社

羣書集事淵海序

天地間有是理。必有是事。有是事。必具是理。事之形。雖未免巨細美惡之殊。然未有出是理之外者。朱文公嘗釋程伊川顯微無間之旨。謂即事即物。而此理無乎不存。意蓋如此。唐宋以來。儒先所為類事之書多矣。事文類聚。事類合璧等編。乃其大者。事必著其詳。而理亦究其極。蓋示人以因事窮理之學也。內官監左少監賈公性。近於貨書家。得書四十七卷。若類聚合璧之比。題曰羣書集事淵海。而不著纂述氏名。類以門分。事因類著。自往古君臣而下。外至夷狄。凡其行事之善惡。載之益詳。且備甚便觀

序

欲勉其善。戒其惡。以企及古人。他日之所就。固不可量。茲又捐資壽梓。以嘉惠後人。俾同歸於善。其志尤偉。是皆可尚也。故不辭而并書諸首簡。為方來之獲覩。是書者告焉。

弘治乙丑八月庚申。特進光祿大夫左柱國少師兼

覽。公愛而重之。因校正舛訛。重新諸梓。而請余為序。余惟古者。今之鑒。是編之集。事無善惡。而必原其所自。蓋欲覽之者。鑒而擇之。以謹身飭行。理固有在焉。豈直區區事為之末哉。賈公成化初。為內書館諸生。勤敏嗜學。余時奉命司教事。知其為人。今復愛重是書。

太子太師吏部尚書

華蓋殿大學士知

制誥

國史總裁同知

經筵事洛陽劉健序



群書集事淵海目錄

卷之一

君門

聖德

聖化

聖政

聖功

君德

君政

明睿

度量

異相

卷之二

君門

瑞誕

感異誕生

世代

世系

天助

讓國

革命

符璽

詔令

建立

定都

封建

朝會

封禪

崇儒

卷之三

君門

求賢

尊賢

任賢

敬老

行養老禮

命相

命將

知人

得人

任人

用人之法

卷之四

君門

待士

求諫

納諫

納言

治道

訪求治道

論治道

制度

謹名分

卷之五

目錄

君門

問政

論功

報功

褒忠

旌勸

賞勸

恩勸

恩賜

恩宥

褒贈

征伐

卷之六

君門

雄畧

雄斷

懷遠

受降

明察

明法

立法

恤刑

正罪

興復

復國

顧託

賑恤

賦稅

賤貨

出寵

去邪

除奸惡

除權臣

除逆

卷之七

后妃門

母儀

瑞誕

誕異

貴相

福遇

賢德

賢識

賢能

貞烈

貞節

聰慧

節儉

勤儉

孝

親義

卷之八

后妃門

識見

藝能

文藝

攝政

訓識

遺命

機變

不私

奢多

嗜好

過寵

溺愛

市寵

陰助

祥兆

夢徵

感應

遇難

被讒遇弒

虞變

目錄

疑忌

憤恚

信讒

致禍

嫉妬

妬悍

謀害

遇害

讒譖

狡詐

強悍

殘忍

孽嬖

失節

怪異

亂政

不慈

不義

不孝

穢行

惡逆

卷之九

臣門

良吏

循吏

廉吏

卷之十

臣門

迭吏

卷之十一

臣門

忠直

忠直見黜

忠直致禍

忠烈

卷之十二

臣門

忠義

卷之十三

臣門

忠義

下

卷之十四

臣門

忠勇

忠厚

忠謀

竭忠

陰佑

勲貴

奇相

怪相

慮國

安國

安定國本

卷之十五

臣門

直言

諷言

諷諫

屍諫

無禮諫

卷之十六

臣門

諫諍

卷之十七

臣門

規諫諸君

規戒諸君

圭鑒諸君

司政

選舉

舉薦

自拔

卷之十八

臣門

禮賢

用賢

禮士

養士

好士

識人

用人

教化

德化

德政

卷之十九

臣門

愛人

便民

遺愛

撫民

恤民

撫諭

撫綏

興學校

正風俗

攻伐

安衆

軍政

申令

卷之二十

臣門

方畧

才畧

機謀

機變

權宜

權謀

謀斷

智謀

卷之二十一

臣門

戰功

見忌立功

輕敵

識斷

明見

果決

智察

卷之二十二

臣門

明辯

明斷

守法

正法

治獄

感夢鞠獄

平刑

失刑

理冤

申枉

卷之二十三

臣門

庸將

具臣

幸臣

權臣

酷吏

專殺

蔽賢

爭功

聚斂

卷之二十四

臣門

苛刻

逢迎

賤黜

失聽良言

不聽良言

誤國

辱命

僭妄

劫制

跋扈

諂佞

阿附

賄賂

貪祿

貪婪

貪縱

目錄

卷之二十五

臣門

濫殺

謀害

讒間

姦臣

卷之二十六

臣門

姦權

黨比

欺罔

誣枉

怨望

誹謗

不忠

不敬

姦惡

黨惡

作亂

卷之二十七

外戚門

忠良

忠謹

忠能

忠厚

明哲

恭謹

謙退

寬恕

志節

節儉

正言

直言

能幹

嚴毅

知人

知命

姿相

惡相

度量

濟人

遠慮

伎藝

貴寵

恩宥

稱譽

要譽

謀議

矜誇

避難

傲慢

貪財

黨比

搆隙

驕奢

驕橫

奢淫

召禍

姦權

害忠

凶禍

姦惡

惡逆

卷之二十八

人物門

儒

世家

聖智

聖誠

聖訓

師道

師道自任

道學

經學

史學

才學

卷之二十九

人物門

儒

文學

卷之三十

人物門

釋

佛祖

佛教

傳法

神通

靈驗

顯驗

高僧

講僧

忠僧

孝僧

卷之三十一

人物門

釋

靈異

顯異

博學

博識

前知

禪語

卷之三十二

人物門

釋

禪機

偈語

戒律

修行

濟人

濟物

勸世

法慧

寂滅

感應

巧伎

遇難

識兆

崇佛

信佛

事佛

慕佛

贊佛

論佛

不務祖風

卷之三十三

人物門

道

祖系

正乙教

太乙教

真大道教

守教

修養

立言

正言

顯驗

忠義

仙

仙術

飛昇

尸解

坐化

神異

顯應

臨降

先知

丹術

服氣

仙境

仙物

求仙

奇遇

卷之三十四

人物門

醫術

音樂

審音

曆學

武藝

善射

善御

卷之三十五

人物門

善書

善琴

善碁

善畫

占術

卷之三十六

人事門

評品

稱譽

推獎

獎勸

卷之三十七

人事門

謹飭

用謀

失機

感慨

感慕

處變

卷之三十八

性行門

孝悌

友愛

敬愛

卷之三十九

性行門

義

卷之四十

性行門

親義

義感

識達

卷之四十一

性行門

庸暗

目錄

自勵

舉義

適興

感舊

傷悼

遭謗

問計

不遇

諷詠

感遇

好尚

遇難

設計

不得志

諷詠致禍

景慕

好惡

孝友

慈愛

孝義

仁愛

非禮行孝

親愛

以義蔑恩

節義

智

德行

信義

信

仁厚

義烈

才識

昏昧

僻性

癡騃

不肖

輕躁

強忍

卷之四十二

性行門

悖慢

縱慾

淫虐

無禮

不仁

怯懦

貪嗔

殘忍

驕吝

傲慢

殘害骨肉

褊量

心術

狂妄

剛暴

貪慾

詭詐

無恥

不義

暴虐

貪鄙

欺詐

恣惡

不孝

凶惡

驕恣

改行

亂倫

卷之四十三

官者門

忠正

忠能

直言

扶立儲君

平寇

機變

異寵

專權

殘酷

謀逆

卷之四十四

紀異門

忠直

忠義

守正

諫諍

奉使

伸枉

要譽

構亂

奸謀

惡逆

忠誠

忠厚

開導君意

政事

好學

工藝

迎合

讒言

奸惡

忠謹

忠言

定國本

定亂

善射

越分感應

姦權

狂妄

教惡

祥異

誕異

產異

神異

靈異

怪異

物異

災異

遇異物

異兆

卷之四十五

紀異門

異見

異遇

異書

異應

異疾

異事

祥兆

吉兆

貴兆

先兆

惡兆

兆應

瑞應

謠應

卷之四十六

紀異門

感應

應驗

知往

夢徵

符識

謠識

字識

靈見

陰助

感物

忤誕

精爽

凶年

卷之四十七

夷狄門

裔族

異相

高壽

遜讓

忠義

孝行

友愛

事中國

內附

上書

獻方物

好佛

征伐

定難

富侈

技巧

神異

知來

夢應

紀異

感異生子

嗜慾

遺命

報怨

女主

風俗

土產

自恃

群書集事淵海目錄

詭詐

僭擅

暴虐

篡逆

惡逆

窮亮

邊害

群書集事淵海卷之一

君門

聖德

聖人君天下有大德者

帝嚳普施利物史記

帝嚳高辛氏黃帝之曾孫也生而神靈自言其名普施利物不於其身聰以知遠明以察微順天之義知民之急仁而威惠而信修身而天下服

帝堯克明俊德史記

帝堯其仁如天其知如神就之如日望之如雲克明俊德以親九族九族既睦睦平章百姓百姓昭明協和萬邦黎民於變時雍

帝堯辭封人三祝事文類聚

華封人請祝聖人壽堯曰辭使聖人富堯曰辭使聖人多男子堯曰辭封人曰壽富多男子聖人獨不欲何也堯曰多男子則多懼富則多事壽則多辱是三者非所以養德也故辭

大舜以孝化天下新序

昔者舜自耕稼陶漁而躬孝友父瞽瞍頑母嚚及弟象傲皆下愚不移舜盡孝道以供養瞽瞍瞽瞍家為井塗廩之謀欲以殺舜舜孝益篤出田則號泣年五十猶嬰兒慕可謂至孝矣故耕於歷山歷山之耕者讓畔陶於河濱河濱之陶者器不苦窳漁於雷澤雷澤之漁者分均及立為天子天下化之蠻夷率服北發渠搜南撫交趾莫不慕義麟鳳在郊故孔子曰孝弟之至通

於神明光于四海舜之謂也

大舜玄德升聞史記

帝舜濬哲文明溫恭允塞玄德升聞堯以二女妻之以觀其內使九男與處以觀其外舜居媯汭內行彌謹堯二女不敢以貴驕事舜親戚甚有婦道堯九男皆益篤一年而所居成聚二年成邑三年成都

夏禹泣罪人說苑

禹出見罪人下車問而泣之左右曰夫罪人不順道故使然焉君王何為痛之至於此也禹曰堯舜之人皆以堯舜之心為心今寡人為君也百姓各自以其心為心是以痛之也

禹湯金幣救民事文類聚

禹五年水湯七年旱人無糧有賣子者湯以莊山之金鑄幣以贖之禹以歷山之金鑄幣以救民之困

成湯祝網史記

湯出野見張網四面祝曰自天下四方皆入吾網湯曰嘻盡之矣乃去其三面祝曰欲左左欲右右不用命乃入吾網諸侯聞之曰湯德至矣及禽獸

古公遷岐史記

古公亶父復修后稷公劉之業積德行義國人戴之薰育戎狄攻之欲得財物予之已復攻欲得地與民民皆怒欲戰古公曰有民立君將以利之今戎狄所為攻戰以吾地與民民之在我與其在此彼何異民欲以我故戰殺人父子而君之予不忍為乃與私屬遂去豳渡漆沮踰梁山止於岐下豳人舉國扶老攜弱盡復歸古公於岐下及他旁國聞古公仁亦多歸之

周太伯讓國史記

周古公有長子曰太伯次曰虞仲太姜生少子季歷季歷娶太任皆賢婦人生昌有聖瑞古曰我世當有興者其在昌乎長子太伯虞仲知古公欲立季歷以傳昌乃二人亡如荊蠻文身斷髮以讓季歷

周文王結義事文類聚

文王伐崇至鳳皇之墟而戰係解文王自結之太公問焉文王曰吾聞亡君所與處弗盡其後寡人雖不肖所與處皆先君之人也故無令結之

周文王葬骨新序

周文王作靈臺為池沼掘地得死人之骨吏以聞文王曰更葬之吏曰此無主矣文王曰有天下者天下之主也有一國者一國之主也寡人固其主又安求主遂令吏以衣棺更葬之天下聞之皆曰文王賢矣澤及枯骨又况於人乎

周武王問處衆之道說苑

武王克殷召太公而問曰將奈其士衆何太公對曰臣聞愛其人者兼屋上之烏憎其人者惡其餘胥威劉厥敵使靡有餘何如王曰不可太公出召公入王曰為之奈何召公對曰有罪者殺之無罪者活之何如王曰不可召公出周公入王曰為之奈何周公曰使各居其宅田其田無變舊新唯仁是親百姓有過在于一人武王曰廣大乎平天下矣凡所以貴士君子者以其仁而有德也

周武王恩及存殁史記

周武王既克殷殺妲己釋箕子之囚封比干之墓表商容之間

封紂子武庚祿父以續殷祀令修行盤庚之政殷民大悅

聖化

聖人君天下行教化者

堯德致康衢童謠列子

堯治天下五十年不知天下治歟不治歟不知億兆之願戴已歟不願戴已歟顧問左右左右不知問外朝外朝不知問在野在野不知堯乃微服游於康衢聞童兒謠曰立我蒸民莫匪爾極不識不知順帝之則堯喜問曰誰教爾為此言童兒曰我聞之大夫問大夫大夫曰古詩也堯還宮召舜因禪以天下舜不辭而受之

堯舜以德化人說苑

堯存心於天下加志於窮民痛萬姓之罹罪憂衆生之不遂也有一民饑則曰此我饑之也有一人寒則曰此我寒之也一民有罪則曰此我陷之也仁昭而義立德博而化廣故不賞而民勸不罰而民治先恕而後教是堯道也當舜之時有苗氏不服其所以不服者大山在其南殿山在其北左洞庭之波右彭蠡之川因此險也所以不服禹欲伐之舜不許曰諭教猶未竭也究諭教焉而有苗氏請服天下聞之皆非禹之義而歸舜之德舜作五絃之琴以歌南風曰南風之薰兮可以解吾民之愠兮南風之時兮可以阜吾民之財兮

舜作南薰歌事文類聚

文王致虞芮自平說苑

虞人與芮人質其成於文王入文王之境則見其人民之讓為士大夫入其國則見其士大夫讓為公卿二國者相謂曰其人

民讓為士大夫其士大夫讓為公卿然則此其君亦讓以天下而不居矣二國者未見文王之身而讓其所爭以為閑田而反孔子曰大哉文王之道乎其不可加矣不動而變無為而成敬慎恭己而虞芮自平故書曰惟文王之敬忌此之謂也

聖政

聖人君天下之政事者

神農教民為市 事文類聚

神農氏日中為市致天下之人聚天下之貨交易而退各得其所蓋取諸噬嗑噬嗑合也市人之所聚異方之所合神農氏作市高陽氏衰市官不修祝融修市

黃帝監治萬國 史記

黃帝未嘗寧居東至于海登丸山及岱宗西至于空桐登雞頭南至于江登熊湘北逐葷粥合符釜山而邑于涿鹿之阿遷徙往來無常處以師兵為營衛官名皆以雲命為雲師置左右大監監于萬國萬國和而鬼神山川封禪與為多焉獲寶鼎迎日推策舉風后力牧常先大鴻以治民順天地之紀幽明之占死生之說存亡之難時播百穀草木淳化鳥獸虫蛾旁羅日月星辰水波土石金玉勞勤心力耳目節用水火材物有土德之瑞故號黃帝

高陽政通上下 史記

顓頊高陽氏者黃帝之孫昌意之子也靜淵以有謀疏通而知事養材以任地載時以象天依鬼神以制義治氣以教化潔誠以祭祀日月所照莫不砥屬

帝堯敬授民時 史記

帝堯乃命羲和敬順昊天數法日月星辰敬授民時分命羲仲居郁夷曰暘谷敬道日出便程東作日中星鳥以殷中春其民折鳥獸字尾申命羲叔居南交便程南為敬致日永星火以正中夏其民因鳥獸希革申命和仲居西土曰昧谷敬道日入便程西成夜中星虛以正中秋其民夷易鳥獸毛毳申命和叔居北方曰幽都便在伏物日短星昴以正中冬其民燠鳥獸氄毛歲三百六十六日以閏月正四時

帝堯命舜攝政以觀天命 史記

帝堯老命舜攝行天子之政以觀天命舜乃在璿璣玉衡以齊七政遂類於上帝禋于六宗望於山川辯於群神揖五瑞擇吉日日見四嶽諸牧班瑞歲二月東巡狩至於岱宗柴望秩於山川遂見東方君長合時月正日同律度量衡修五禮五玉三帛二生一死為摯如五器卒乃復五月南巡狩八月西巡狩十一月北巡狩皆如初歸至于祖禰廟用特

帝舜敷政慎刑 史記

帝舜五歲一巡狩群后四朝徧告以言明試以功車服以庸肇十有二州決川象以典刑流宥五刑鞭作官刑朴作教刑金作贖刑責裁過赦怙終賊刑欽哉欽哉惟刑之靜哉

大禹賞功誅惡 吳越春秋

禹既受舜禪即天子之位三載考功五年政定周行天下歸還大越登茅山以朝四方群臣觀示中州諸侯防風後至軒以示眾示天下悉屬禹也乃大會計治國之道內美釜山州慎之功外演聖德以應天心遂更名茅山曰會稽之山因傳國政休養萬民國號曰夏后封有功爵有德惡無細而不誅功無微而不

賞天下喁喁若兒思母子歸父焉

西伯德致賢人史記

周西伯昌立曰文王遵后稷公劉之業則古公季之法篤仁敬老慈少禮下賢者日中不暇食以待士士以此多歸之伯夷叔齊在孤竹聞西伯善養老盡往歸之太顛閎夭散宜生鬻子辛甲大夫之徒皆往歸之

聖功

聖人君天下有大功者

庖犧畫卦史記

庖犧氏有聖德仰則觀象於天俯則觀法於地旁觀鳥獸之文與地之宜近取諸身遠取諸物始畫八卦以通神明之德以類萬物之情造書契以代結繩之政制嫁娶以儷皮為禮結網罟以教佃漁故曰庖犧氏養犧牲以庖厨故曰庖犧氏焉

女媧補天史記

女媧氏之末年諸侯有共工氏任智刑以強與祝融戰不勝而怒乃頭觸不周山崩天柱折地維缺女媧乃鍊五色石以補天斷鼇足以立四極聚蘆灰以止滔水

神農教耕史記

炎帝神農氏斷木為耜操木為耒耨耨之用以利天下始教耕嘗百草始有醫藥教人日中為市

軒轅初征史記

黃帝軒轅氏生而神靈弱而能言幼而徇齊長而敦敏成而聰明習用干戈以征不享諸侯咸來賓從與蚩尤戰於涿鹿之野而諸侯咸尊軒轅為天子是為黃帝

帝嚳莫不從服史記

帝嚳高辛取地之財而節用之撫教萬民而利誨之歷日月而迎送之明鬼神而敬事之其色郁郁其德巍巍其動也時其服也士帝嚳慨執中而徧天下日月所照風雨所至莫不從服

帝舜歷試可績史記

帝堯乃使舜慎和五典五典能從乃徧入百官百官時序賓於四門四門穆穆諸侯遠方賓客皆敬堯使舜入山林川澤暴風雷雨舜行不迷堯以為聖召舜曰女謀事至而言可績三年矣女登帝位舜讓於德不憚

后稷播種史記

后稷為兒岐然有巨人之志其游戲好種樹麻菽美及為成人遂好耕農相地之宜宜穀者稼穡焉民皆法則之帝堯聞之舉棄為農師天下得其利有功帝舜曰棄黎民始饑爾后稷播時百穀封棄於郃號曰后稷

夏禹治水史記

夏禹為人敏給克勤其德不違其仁可親其言可信聲為律身為度禹傷父鯀功之不成受誅乃勞身焦思居外十三年過家門不敢入陸行乘車水行乘船泥行乘橈山行乘蹻左準繩右規矩開九州通九道陂九澤度九山乃行相地宜所有以貢於是地平天成天下大治

夏禹治水除妖事文類聚

夏禹治水三至桐栢山獲淮渦水神名曰無支祁形猶獼猴力踰九象人不可視乃命庚辰制之是時木魅水靈山妖水恠奔號叢統幾以千數庚辰持戟遂去鎖于龜山之足淮水乃安

夏禹著山海經 吳越春秋

大禹傷父鯀功不成，猶江沂河盡濟，甄淮乃勞身焦思，以行七年，聞樂不聽，過門不入，冠挂不顧，履遺不躡，功未及成，愁然沉思。乃案黃帝中經，曆蓋聖人所記曰：在于九山東南，天柱號曰宛委，亦帝在闕其巖之巔，承以文玉，覆以磐石，其書金簡青玉為字，編以白銀，皆琢其文。禹乃東巡，登衡岳，血白馬以祭，不幸所求禹乃登山仰天而嘯，因夢見赤繡衣男子，自稱玄夷，蒼水使者，聞帝使文命于斯，故來候之。非厥歲月，將告以期，無為戲吟。故倚歌覆金之山，東顧謂禹曰：欲得我山神書者，齊於黃帝巖岳之下。三月庚子，登山發石金簡之書，存矣。禹退，又齊三月庚子，登宛委山，發金簡之書，案金簡玉字，得通水之理，復返歸岳，乘四載以行，川始於霍山，徊集五岳，詩云：信被南山，惟禹甸之。遂巡行四瀆，與益夔共謀，行到名山大澤，召其神而問之。山川脉理，金玉所有，鳥獸昆蟲之類，及八方之民俗，殊國異域土地里數，使益疏而記之，故名之曰山海經。

夏禹治水功成賜號 吳越春秋

禹行治水，使大章步東西，豎亥度南北，暢八極之廣，旋天地之數。於是周行寓內，東造絕迹，西延積石，南踰赤岸，北過寒谷，徊崑崙，察六危脉，地理名金石，寓流沙於西隅，決弱水於北漢，青泉赤淵分入，洞穴通江，東流至於碣石，疏九河於濬淵，開五水於東北，鑿龍門，闢伊闕，平易相土，觀地分州，殊方各進，有所納貢。民去崎嶇，歸於中國，堯曰：俞以固冀於此，乃號禹曰伯禹，官曰司空，賜姓姒氏。

君德

人生所行之德者

邾子卜遷于繹左傳

邾文公卜遷于繹，史曰：利於民而不利於君。邾子曰：苟利於民，孤之利也。天生民而樹之君，以利之也。民既利矣，孤必與焉。左右曰：命可長也。君何弗為？邾子曰：命在養民，死之短長時也。民苟利矣，遷也吉莫如之。遂遷于繹。魯文公十三年五月，邾文公卒。君子曰：知命。

齊景公恤貧說苑

齊景公遊於壽宮，觀長年負薪而有饑色。公悲之，喟然歎曰：令吏養之。晏子曰：臣聞之，樂賢而哀不肖，守國之本也。今君愛老而恩無不逮，治國之本也。公笑有喜色。晏子曰：聖王見賢以樂，賢見不肖以哀，不肖今請求老弱之不養，鰥寡之不室者，論而供秩焉。景公曰：諾。於是老弱有養，鰥寡有室。

楚惠王吞蛭新序

楚惠王食寒菹，而得蛭，因遂吞之。腹有疾而不能食，令尹入問曰：王安得此疾也？王曰：我食寒菹，而得蛭，念謹之而不行其罪，乎是法廢而威不立也。非所以使國聞也。謹而行其誅，乎則庖宰食監皆當死心，又不忍也。故吾恐蛭之見也，故吞之。令尹避席而拜賀曰：臣聞天道無親，惟德是輔。君有仁德，天之所奉也。病不為傷，是夕蛭出，久病心腹之疾皆愈。

越王緩刑薄斂 吳越春秋

吳王放越王還國，於是越王內修其德，外布其道。君不名教，臣不名謀，民不名使，官不名事。國中蕩蕩無有政令。越王內實府。

庫舉其田疇民富國彊康安道泰越王遂師入臣與其四友時問政焉大夫種曰愛民而已越王曰奈何種曰利之無害成之無敗生之無殺與之無奪越王曰願聞種曰無奪民所好則利之民不失其時則成之省刑去罰則生之薄其賦歛則與之無多臺游則樂之靜而無苛則喜之民失所好則害之農失其時則敗之有罪不赦則殺之重賦厚歛則奪之多作臺游以罷民則苦之勞擾民力則怨之臣聞善為國者過民如父母之愛其子如兄之愛其弟聞有饑寒為之哀見其勞苦為之悲越王乃緩刑薄罰省其賦歛於是人民殷富皆有帶甲之勇

漢帝免租事文類聚

漢高祖以蜀漢民給軍事勞苦復勿租稅一歲漢文帝詔賜民田租今年之半景帝令民半出田租三十而稅一也

漢文帝專務德化前漢

孝文帝時南越尉佗自立為帝上召貴佗兄弟以德懷之佗遂稱臣與匈奴結和親後而背約入盜令邊備守不發兵深入恐煩百姓吳王詐病不朝賜以几杖群臣袁盎等諫說雖切常假借納用焉張武等受賂金錢覺更加賞賜以媿其心專務以德化民是以海內殷富興於禮義斷獄數百幾致刑措

漢文帝除肉刑前漢

孝文帝絕秦之迹除其亂法躬親本事廢去滌木肉刑不用罪人不孥誹謗不治通關去塞除去陰刑為天下興利除害變法易故以安海內者大功數十皆上世之所難及者

漢宣帝詔祀益民者事文類聚

宣帝詔祀百辟卿士有益於民者蜀都以文翁九江以召父應

詔歲時郡二千石率官屬行禮

漢光武優遇赤眉後漢

光武初諸將破赤眉赤眉遂出關南向征西大將軍馮異破之於崤底帝聞乃自將幸宜陽盛兵以邀其走路赤眉忽遇大軍驚震不知所為乃遣劉恭乞降曰盆子將百萬眾降陛下何以待之帝曰待汝以不死耳樊崇乃將盆子及丞相徐宣以下三十餘人肉袒降上所得傳國璽綬更始七尺寶劍及玉璧各一積兵甲宜陽城西與熊耳山齊帝令縣厨賜食眾積困餒十餘萬人皆得飽飫明日大陳兵馬臨洛水令盆子君臣列而觀之謂盆子曰自知當死不對曰罪當應死猶幸上憐赦之耳帝笑曰兒大黠宗室無害者又謂崇等曰得無悔降乎朕今遣卿歸營勒兵鳴鼓相攻決其勝負不欲強相服也徐宣等叩頭曰今日得降猶去虎口歸慈母誠歡誠喜無所恨也帝曰卿所謂鐵中錚錚傭中佼佼者也

漢光武責吳漢夷述宗族後漢

光武時公孫述死吳漢夷其妻子宗族帝聞之怒責漢及劉尚曰城降三日吏人從服孩兒老母口以萬數一日放兵縱火聞之可為酸鼻尚宗室子孫嘗更更職何忍行此仰視天俯視地觀放鷹噬犬二者孰仁良失斬將弔人之義

漢光武御功臣宥小過後漢

光武建武十三年與功臣諸侯讌語從容言曰諸卿不遭際會自度爵祿何所至乎高密侯鄧禹先對曰臣少嘗學問可郡文學博士帝曰何言之謙乎卿鄧氏子志行修整何為不掾功曹餘各以次對至馬武曰臣以武勇可守尉督盜賊帝笑曰且勿

為盜賊自致亭長斯可矣武為人嗜酒闊達敢言時醉在御前
面折同列言其短長無所避忌帝故縱之以為笑樂帝雖制御
功臣而每能回容宥其小失

漢光武柔道 後漢

光武幸章陵修園廟祠舊宅觀田廬置酒作樂賞賜時宗室諸
母因酣悅相與語曰文叔少時謹信與人不款曲唯直柔耳今
乃能如此帝聞之大笑曰吾理天下亦欲以柔道行之南巡幸
南頓縣舍置酒會賜吏人復南頓田租歲父老叩頭言皇考居
此日久陛下識知寺舍每來輒加厚恩願賜復十年帝曰天下
重器常恐不任日復一日安敢速期十歲乎吏人又言陛下實
惜之何言謙也帝大笑復增一歲

漢光武抑嘉祥 後漢

光武中元元年六月辛卯京師醴泉涌出飲之者固疾皆愈惟
眇蹇者不瘳又有赤草生於水崖郡國頗上甘露群臣奏言地
祇靈應而朱草萌生孝宣帝每有嘉瑞輒以改元神爵五鳳甘
露黃龍列為年紀蓋以感致神祇表彰德信是以化致升平稱
為中興今天下清寧靈物仍降陛下情存損挹推而不居豈可
使祥符顯慶沒而無聞宜令太史撰集以傳來世帝不納常自
謙無德每郡國所上輒抑而不當故史官罕得記焉

和帝祀蕭曹墓 事文類聚

後漢和帝幸長陵祀高祖詔曰高祖功臣蕭曹為首有傳世不
絕之義曹相國後客成侯無嗣朕望長陵東門見二臣之寵每
有感焉可遣使者以中牢祠

晉武帝却雉頭裘 萬年龜鏡

晉武帝咸寧四年程璆獻雉頭裘帝命焚之於殿前敕有犯者
罪之

宋武帝碎虎魄枕療金創 南史

宋武帝時寧州嘗獻虎魄枕光色甚麗價盈百金時將北伐以
虎魄療金創帝大悅命碎分賜諸將

梁武帝愛人去殺 南史

梁武帝祀南郊詔尤貧家勿收今年三調無田業者所在量宜
賦給及優蠲產子之家恤理冤獄并賑孤老鰥寡不能自存者
二月辛亥耕籍田甲寅赦罪人三月丙子敕太醫不得以生類
為藥公家織官紋錦飾並斷仙人鳥獸之形以為褻衣裁翦有
乖仁恕於是祈告天地宗廟以去殺之理欲被之含識郊廟牲
豢皆代以麋其山川諸祀則否時以宗廟去牲則為不復血食
雖公卿異議朝野喧囂竟不從

梁太子戒刑 南史

梁昭明太子蕭統武帝子也性仁恕見在宮禁防捉荆子者問
之云以清道驅人太子恐復致痛使捉手板代之頻食中得蠅
蟲之屬密置梓邊恐厨人獲罪不令人知又見後閣小兒攤戲
後屬有獄牒攤者法士人結流徒庶人結徒太子曰私錢自戲
不犯公物此科太重令注刑止三歲士人免官獄牒應死者必
降長徒自此以下莫不減半

隋文優待叔寶 南史

陳後主叔寶歸隋既見有隋文帝給賜甚厚數得引見班同三
品每預宴恐致傷心為不奏吳音後監守者奏言叔寶云既無
秩位每預朝集願得一官號隋文帝曰叔寶全無心肝監者又

言叔寶常耽醉罕有醒時隋文帝使節其酒既而曰任其性不爾何以過日未幾帝又問監者叔寶所嗜對曰嗜驢肉問飲酒多少對曰與其子弟日飲一石隋文帝大驚及從東巡登芒山侍飲賦詩曰月光天德山川壯帝居太平無以報願上東封書并表請封禪隋文帝優詔謙讓不許後從至仁壽宮常侍宴及出隋文帝目之曰此敗豈不由酒將作詩功夫何如思安時事當賀若弼度京口彼人密啓告急叔寶為飲酒遂不省之高穎至日猶見啓在牀下未開封此亦是可笑蓋天亡也昔符氏所征得國皆榮貴其主苟欲求名不知違天命與之官乃違天也隋文帝以陳氏子弟既多恐京下為過皆分置諸州縣每歲賜以衣服以安全之

魏武帝禁寒食 事文類聚

魏武帝明罰令曰聞太原上黨西河鴈門冬至後百有五日皆絕火食云為介子推且北方沍寒之地老少羸弱將有不堪之患今後人不得寒食若犯者家長半歲刑主吏百日刑令長奪一月俸

魏道武給賜車牛 北史

魏道武登國之初改代曰魏徙其民帝幸鄴歷問故事崔宏應對若流帝善之還次恒嶺帝親登山頂撫慰新人適遇宏扶老母登嶺賜以牛米因詔諸徙人不能自進者給以車牛

魏太祖祀廬植墓 事文類聚

魏太祖北征柳城過涿郡令告太守曰故中郎將廬植名著海內孤到此州嘉其餘風敬遣丞掾脩墳墓并致薄醊以彰厥德

魏孝文征巡不損民 北史

魏孝文帝南北征巡有司奏請修道帝曰粗修橋梁通輿馬便止不須去草剗令平也凡所修造不得已而為之不為不急之事重損人力巡幸淮南如在內地軍事須伐人樹者必留絹以酬其直人苗稼無所傷踐

魏孝文帝釋俘 北史

魏孝文帝太和十七年八月丁亥帝辭永固陵已丑發京師南伐步騎三十餘萬太尉元丕奏請以官人從詔以臨戎不語內事不許戊午軍士禽齊人三千帝曰在君為君其人何罪於是免歸

周武帝減嬪御 北史

周武詔曰正位於中有聖通典質文相革損益不同五帝則四星之象三王制六宮之數劉曹已降等列彌繁選擇偏於生靈命秩方於庶職椒房丹地有衆如雲本由嗜欲之情非關風化之義朕運當澆季思復古始死贅後庭事從簡約可置妃二人世婦三人御妻三人自茲以外宜悉減省

周武帝焚狐 北史

周武帝時鄭州獻九尾狐皮肉銷盡骨體猶具帝曰瑞應之來必昭有德若使五品時序四海和平家識孝慈乃能致此今無其時恐非實錄乃令焚之

隋文帝博愛 北史

隋文帝或替遣行人采聽風俗吏政得失人間疾苦無不留意嘗遇關中饑遣左右視百姓所食有得豆屑雜糠而奏之者上流涕以示群臣深自咎責為之損膳而不御酒肉者殆將一期及東拜太山關中戶口就食洛陽者道路相屬帝敕斥候不得